

p.69 line -1【七重、彌陀經】《阿彌陀經要解》卷 1：「各言七重者。表七科道品。皆是四寶者。表常樂我淨四德。周匝圍繞者。彼土佛及菩薩并諸聲聞其數無量。則有無量住處。亦有無量七重欄楯、羅網、行樹。遍滿彼國。處處莊嚴不可窮盡。故云周匝圍繞也。」(T37,p.367,c4-8)《傳通記》：「此破他義。但大師已前。古師中未見其義。……今言七重等者。此述自義。所謂豎有根、莖、枝、條、葉、華、果七。非橫七行。」~本會版 p.614

p.70 line 1【假想】《傳通記》：「觀成名真觀。觀想名假想。不同此方相似境相名假。彼方真實境相名為真也。」~本會版 p.615

p.70 line 3【樹亦無漏】《大般涅槃經》卷 23〈10 光明遍照高貴德王菩薩品〉：「心若有漏名曰不淨。佛心無漏故名大淨。以大淨故名大涅槃。」(T12,p.503,c20-21)《成唯識論》卷 10：「佛功德及身土等。皆是無漏種性所生。有漏法種已永捨故。雖有示現作生死身業煩惱等似苦集諦。而實無漏。」(T31,p.57,a19-21)《釋淨土群疑論》卷 1：「問曰：極樂世界既許凡夫得生。未知為是有漏土。為是無漏土？釋曰：如來所變土。佛心無漏。土還無漏。凡夫之心未得無漏。依彼如來無漏土上。自心變現作有漏土而生其中。若約如來本土而說。則亦得名生無漏土。」「體淨相穢者。謂佛心無漏清淨。故所現之土亦復清淨。然所現土現於穢相。名體淨相穢。故維摩經言。為欲度斯下劣人。故示是眾惡不淨土耳。」(T47,p.32,a27-b3、p.34,a3-7)《佛地經論》卷 1：「如實義者。如來身土甚深微妙。非有非無。非是有漏。亦非無漏。非善非惡。亦非無記。非蘊界等法門所攝。但隨所宜種種異說。」(T26,p.293,c17-20)

p.70 line 4【正道大慈悲等】《傳通記》：「正道大慈悲等者。是性功德。性即體故。引證樹體。正道者。正體智。大慈悲者。後得相應大慈悲也。此智無漏功德。故稱出世善根。故合佛心無漏之義。生者。彼土從佛二智而生。故名為生。斯乃引通而證別也。後二句者。形相功德同文故來。或預證下樹光。」~本會版 p.617《往生論》：「彼佛國土功德莊嚴者，有十七...三者性功德成就。四者形相功德成就。...性功德成就者。偈言：正道大慈悲，出世善根生故。形相功德成就者。偈言：淨光明滿足，如鏡日月輪故。」《往生論註》卷 1：「正道大慈悲出世善根生者。平等大道也。平等道所以名為正道者。平等是諸

法體相。以諸法平等故發心等。發心等故道等。道等故大慈悲等。大慈悲是佛道正因。故言正道大慈悲。慈悲有三緣。一者眾生緣。是小悲。二者法緣。是中悲。三者無緣。是大悲。大悲即出世善也。安樂淨土從此大悲生故。故謂此大悲為淨土之根。故曰出世善根生。」(T40,p.828,c10-18)「彼安樂淨土雖復廣大無邊。清淨光明無不充塞。故曰淨光明滿足。如鏡日月輪。」(T40,p.828,c23-25)

p.70 line 5【樹高】《會集本》：菩提樹高 400 萬里 ( 10 萬由旬，200 萬公里 )。魏譯：道場樹高四百萬里。唐譯：樹高百千由旬，菩提樹高十六億由旬。宋譯：所有菩提之樹，高一千六百由旬。漢、吳兩譯無說。

p.70 line -6【備諸珍寶性等】《往生論》：「五者種種事功德成就。六者妙色功德成就。...種種事功德成就者。偈言：備諸珍寶性。具足妙莊嚴故。妙色功德成就者。偈言：無垢光焰熾。明淨曜世間故。」(T26,p.231,c12-15)《傳通記》：「上所引論偈總明器界種種事及妙色莊嚴。是用通以證別。」~本會版 p.620

p.70 line -5【天衣、寶雲等】《傳通記》：「問：經無天衣說？答：經云一一樹上有七重網。網名天衣。...寶雲含蓋者。寶雲覆樹。其形如蓋。故云含蓋。他方聖眾等者。問：他方、本國彼此聖眾。俱可聽響見形？答：實如所問。今文但是影略互顯。故大經上云：其聲流布。遍諸佛國。其聞音者得深法忍。目覩其色。耳聞其音 ( 乃至 ) 一切皆得甚深法忍。又今言能人者。聖眾也。」

~本會版 p.621

p.70 line -2【身服珠瓔珞】『釋迦毗楞伽摩尼寶』，《觀經疏妙宗鈔》卷 4：「釋迦毘楞伽。此云能勝摩尼。正云末尼。此翻離垢。言此寶光淨。不為垢穢所染。又翻增長。謂有此寶處。必增其成德。舊云。翻為如意、隨意。此皆義譯也。色中上者。謂摩尼之光。間雜眾寶。色像殊妙。最上無過也。」(T37,p.219,a5-9)《大方廣寶篋經》卷 1：「毘楞伽摩尼寶珠在帝釋頸，悉遍普照三十三天，以珠力故，一切所有皆悉照現。」(T14,p.468,a18-20)

p.71 line 1【不從內出、自然而有】《傳通記》：「不從內出者。華果同時。非從華內出生果實。」~本會版 p.623《大乘起信論》卷 1：「除滅無明、見本法身，自然而有不思議業種種之用，即與真如等遍一切處，又亦無有用相可得。」(T32,p.579,b15-17)「一切種智，自然而有不思議業，能現十方利益眾生。」(T32,p.581,b15-16)稱理之用，非待作意，故云自然。顯用廣大、甚深，故云與真如等遍一切處。

p.71 line 5【色比天金】《傳通記》：「問：經云作閻浮檀金色。釋何云天金耶？答：經說佛身云。夜摩天閻浮檀金色。釋云。正明顯真佛之身相踰天金之色(p.85+86)。準彼思今。亦應天金。」~本會版 p.624【閻浮檀金】係指產於閻浮捺陀河流中的沙金。慧苑《一切經音義》卷21：「閻浮檀金(具正云染部捺陀，此是西域河名，其河近閻浮捺陀樹，其金出彼河中，此則河因樹以立稱，金由河以得名；或曰閻浮菓汁，點物成金，因流入河，染石成此閻浮檀金，其色赤黃兼帶紫燄氣)。」(T54,p.436,c5-6)但《起世經》卷一〈閻浮洲品〉所說的閻浮檀金，係出自閻浮樹下，而非《慧苑音義》所說的沙金。經論中，多取閻浮檀金的光色作譬喻，如《觀無量壽經》、《觀彌勒菩薩上生兜率天經》。又，《法華經》卷三〈授記品〉說大迦葉將來成佛時，號閻浮那提金光如來。~《中華佛教百科全書》

p.71 line 7【借喻】『帝釋餅』，又作賢瓶、德瓶、天瓶、吉祥瓶。《大智度論》卷13〈1序品〉：「持戒之人，無事不得；破戒之人，一切皆失。譬如有人常供養天，其人貧窮，一心供養，滿十二歲，求索富貴。天愍此人，自現其身而問之曰：「汝求何等？」答言：「我求富貴，欲令心之所願，一切皆得！」天與一器，名曰德瓶，而語之言：「所須之物，從此瓶出。」其人得已，應意所欲，無所不得。得如意已，具作好舍，象馬、車乘，七寶具足，供給賓客，事事無乏。客問之言：「汝先貧窮，今日所由得如此富？」答言：「我得天瓶，瓶能出此種種眾物，故富如是。」客言：「出瓶見示，并所出物！」即為出瓶，瓶中引出種種眾物。其人僑佚，立瓶上舞，瓶即破壞，一切眾物亦一時滅。持戒之人，亦復如是，種種妙樂，無願不得；若人破戒，僑佚自恣，亦如彼人破瓶失物。」(T25,p.154,a2-17)《傳通記》：「問：果有何德以喻天餅？答：餅出所須以喻果光成幢旛等。但戒度釋似喻果狀。」~本會版 p.626

p.71 line 8【內現三千】經文：「是寶蓋中。映現三千大千世界。一切佛事。」《傳通記》：「初明現娑婆佛事。次明現十方淨土。群疑論云。如寶蓋之中現十方淨土及此穢國也。靈芝云。映現有二。大千佛事一也。十方佛國二也。示生唱滅。說法度生。皆名佛事。慧心云。或寶樹寶蓋得見釋迦一化。...或云。映現三千者。現極樂依正二嚴也。十方佛國者。現他方淨土也。」~本會版 p.626  
《觀無量壽佛經疏妙宗鈔》卷4：「非獨現一大千。十方佛刹亦於中現。樹觀

若發。轉觀佛土。亦應不難。」(T37,p.219,a20-22)《首楞嚴經》卷 4：「一為無量、無量為一，小中現大、大中現小，不動道場遍十方界，身含十方無盡虛空，於一毛端現寶王剎，坐微塵裏轉大法輪。」(T19,p.121,a4-7)

p.71 line -6【神變非一】《無量壽經會集本》〈四十、無量色樹願。四十一、樹現佛剎願〉：「我作佛時，國中無量色樹，高或百千由旬。道場樹高，四百萬里。諸菩薩中，雖有善根劣者，亦能了知。欲見諸佛淨國莊嚴，悉於寶樹間見。猶如明鏡，覩其面像。若不爾者，不取正覺。」〈菩提道場第十五〉：「一切莊嚴，隨應而現。微風徐動，吹諸枝葉，演出無量妙法音聲。其聲流布，徧諸佛國。清暢哀亮，微妙和雅。十方世界音聲之中，最為第一。若有眾生，覩菩提樹，聞聲、嗅香、嘗其果味、觸其光影、念樹功德，皆得六根清徹，無諸惱患。住不退轉，至成佛道。復由見彼樹故，獲三種忍：一音響忍。二柔順忍。三者無生法忍。佛告阿難：如是佛剎，華果樹木，與諸眾生，而作佛事。此皆無量壽佛，威神力故；本願力故；滿足願故；明了、堅固、究竟願故。」

p.71 line -2【次第觀之、無不明了】《傳通記》：「於觀成位始見寶樹。名觀成相。即指經見此樹之文。...問：二三兩段有何差別？答：第二段意者。明思惟粗見之位。於根等事。一一觀之。不得雜亂。第三段意者。正明正受了了見位。見根等事。皆令明了。第三段中。言一一次第觀之者。為顯正受成相。更舉先段思惟相也。」~本會版 p.628

p.72 line -6【寶池】《無量壽經會集本》〈泉池功德第十七〉：「講堂左右，泉池交流。縱廣深淺，皆各一等，或十由旬，二十由旬乃至百千由旬。湛然香潔，具八功德。岸邊無數栴檀香樹，吉祥果樹...出種種香，世無能喻。隨風散馥，沿水流芬。又復池飾七寶，地布金沙。優鉢羅華、鉢曇摩華、拘牟頭華、芬陀利華，雜色光茂，彌覆水上。若彼眾生，過浴此水，欲至足者...或欲冷者、溫者...其水一一隨眾生意，開神悅體，淨若無形。寶沙映澈，無深不照。微瀾徐迴，轉相灌注。波揚無量微妙音聲；或聞佛法僧聲.....得聞如是種種聲已，其心清淨，無諸分別；正直平等，成熟善根。隨其所聞，與法相應。其願聞者，輒獨聞之；所不欲聞，了無所聞。永不退於阿耨多羅三藐三菩提心。十方世界諸往生者，皆於七寶池蓮華中，自然化生。悉受清虛之身、無極

之體。」極樂泉池不可思議功德。內容分六：(一)初明池量。(二)池水德相。(三)岸樹、池、花等諸寶莊嚴相。(四)彰其資用無礙相：1 淺深無礙。2 冷暖隨意。3 開神悅體。4 淨而無穢。5 迴流灌注。(五)池揚妙法，成熟善根。(六)十方生者，蓮池化生，此為第二十四「蓮花化生願」之成就。池水演出種種微妙法音，皆是自然之聲；圓明具德，自在無礙，妙應無窮。極樂國土，池水樹林，悉演妙法，無情說法，遍滿國土。「一一隨眾生意」，悉演妙法。色光聲香，皆作佛事；耳目所對，全顯本心。舉足下足，咸作佛事。故於無上菩提之心，永無退轉，純是增上因緣。《阿彌陀經疏鈔》卷2：「大本敘寶池水畢。復開三種殊勝妙用：一水能隨意。二水能說法。三浴畢進業。」(X22,p.639,c3-4)

p.72 line -3【正明池數】《傳通記》：「八功德水所成池。故名八池水。...池有八德之數也。...池中備有清淨不臭等八德名也。次八池之水者。八德池之水也。故次下文列八德名。...是故經文首標云有八池水。尾結云八功德水想。標結符合。所言八者。即是德數而非池數。」~本會版 p.630-631

p.72 line -2【一一池水七寶所成】《傳通記》：「水雖純白。池岸七寶映池水。故成七寶色。故釋云寶光映徹等。戒度云。初中水性柔弱。故非七寶莊嚴。但由塘岸寶色相映。使之然也。」~本會版 p.632。然下一句「其寶柔軟」，又云「是諸眾寶體性柔輭」，寧非液態之七寶乎？當知極樂世界非娑婆，七寶等皆是不可思議境界也。

p.72 line -3&p.73 line 1【如意珠王、如意寶】於如意珠中為最勝者，故云王。從此寶珠出種種，所求如意，故名如意。出自龍王或摩竭魚之腦中，或為佛舍利所變成。《往生論註》曰：諸佛入涅槃時，以方便力留碎身舍利，以福眾生，眾生福盡，此舍利變為摩尼如意寶珠。此珠多在大海中，大龍王以為首飾。若轉輪聖王出世，以慈悲方便能得此珠，於閻浮提作大饒益。《賢愚經》大施抒海緣品曰：昔釋迦佛為大施太子時，欲賑國人，入海求如意珠，知在龍王之頂，欲抒盡海水而取之。雖筋骨斷壞，終不懈怠。諸天感其至誠而來助之。龍王恐，送珠與之。智度論十二謂「能施太子」，是為毘梨耶波羅蜜（精進度）之圓滿行相。~《佛學大辭典》

p.73 line 1【如意寶中出水、如意水】《傳通記》：「問：珠在何處能出寶水？答：今家無判。靈芝云。每一池心各有珠玉。泉從珠出。流落池中。常時盈滿。問：珠出池水。而無流至。其水何故不滿彼界？答：佛境難思。各不妨礙。」  
 ~本會版 p.632《阿彌陀經疏鈔》卷2：「調和冷暖。無不順適。開神悅體。滌蕩情慮。清明澄潔。淨若無形。是水本無心。能隨人心意所欲也。」(X22,p.639,c8-10)  
 「眾妙法聲。稱其所欲。無不聞者。發清淨心。成熟諸根。永不退於無上菩提。是水本無情。善能說諸妙法也。」(X22,p.639,c14-16)「稱理。則自性汪洋沖融。是寶池義。自性悉備一切功德。是德水義。」(X22,p.640,a1-2)

p.73 line 1【八功德水】《阿彌陀經疏鈔》卷2：「一澄淨者。謂澄淨潔淨。離汙濁故。二清冷者。謂清湛涼冷。無煩熱故。三甘美者。謂甘旨美妙。具至味故。四輕軟者。謂輕揚柔軟。可上下故。五潤澤者。謂津潤滑澤。不枯澀故。六安和者。謂安靜和緩。絕迅汎故。七除飢渴者。謂水僅止渴。今兼療飢。有勝力故。八長養諸根者。謂增長養育身心內外故。觀疏八德者。一輕。二清。三冷。四軟。五美。六不臭。七飲時調適。八飲已無患。與上大同小異。此合輕軟。彼分為二。此無不臭。彼缺潤澤。及與安和。然義則互見。以澄淨清冷。必無臭惡。既輕且軟。豈不安和。略少潤澤。故云小異。又彼配六入。此則澄淨色入。甘美味入。至云長養諸根。則耳鼻身意。皆攝之矣。又大本云。大河之下。金沙布地。有諸天香。世無能喻。隨水散馥。雜水流芳。皆香入之證也。下文說法。是聲入與法入證也。問：甘美輕軟。除飢長根。此方所無。則誠然矣。凡水悉皆清冷。悉皆潤澤。何彼水以二獨稱功德？答：此水雖亦清冷。逢日則炎。遇火則沸。彼縱劫火臨之。清冷自如。終不炎沸故。此水雖亦潤澤。日曬則乾。火逼則涸。彼縱劫火臨之。潤澤自如。終不乾涸故。」(X22,p.639,b3-22)本會版 p.301-303

p.73 line -6【渠數多少】經文：「十四支」。「渠」：人工開鑿的水道；濠溝。元照《觀經義疏》卷2：「十四支即是渠道。」但慧遠大師三昧中所見此十四支水流，可以上下流注。《淨土指歸集》卷2：「廬山遠法師。精修白業。居東林三十年。初於十一年間。三覩聖相。而不令人知。後十九年七月晦夕。於般若臺。方從定起。忽見阿彌陀佛身滿虛空。圓光之中有諸化佛。觀音勢至侍立左右。又見水流光明。分十四支。流注上下。演說妙法。」(X61,p.389,c1-5)

p.73 line -3【華量大小】經文：「十二由旬」。12由旬 = 12\*40里 = 480里 = 240公里。(或大或小，隨眾生心，應所知量。)《傳通記》：「小本經但云『大如車輪』。舉其極小者耳。」~本會版 p.637《阿彌陀經疏鈔》卷2：「車輪者。言其形也。大小無定。婆沙等說。種種不同。各隨機見。...大本云。池中蓮華。或一由旬。乃至百由旬。千由旬。而人世車輪。大不逾丈。不可以此而為定準。...大如車輪。且喻形體。以輪喻德。亦有多義。」(X22p.641,a16-b8)

本會版 p.312-313《西方合論》卷10：「花輪大小者，小本曰：「池中蓮華，大如車輪。」《觀經》云：「一一池中有六十億七寶蓮華，團圓正等，十二由旬。」大本云：「池中蓮華，或一由旬，乃至百由旬千由旬。」夫人世車輪，大不逾丈，縱復輪王千輻金輪，縱廣不過一由旬，何得大小相懸乃爾？釋：「花輪大小亦如身城，以眾生機有大小故，身城水樹現有大小，蓮華亦然。如初地化百佛刹，見佛百葉花；二地化千佛刹，即見千葉；三地萬葉；...十地十不可說百千億那由他佛微塵數。以自受用身有大小故，見花亦爾，非是花有大小故。」(T47,p.418,a28-b12)《善女人傳》卷1：「越國夫人王氏。(宋)哲宗從父荆王之妻也。專修淨土。晝夜無間。導諸妾婢。并志西歸。中有一婢獨懶慢。夫人曰。不可以爾一人壞我規矩。擯之。婢悚悔。遂發憤精進。久之弗倦。一日。謂同事曰。吾其行矣。夜聞異香滿室。無疾而逝。越宿。同事者告夫人言。夜夢化去之婢。令致謝夫人。幸蒙訓責。得生西方。感德無量。夫人曰。彼能入我夢。乃可信爾。其夕。夫人夢婢致謝如前。夫人曰。西方可至乎。婢曰。可。遂導夫人行。頃之。見一大池。中有蓮華。大小間錯。或榮或悴。夫人問其故。婢曰。世間修西方者。纔發一念。此中便生一華。勤惰不同。榮悴亦異。精進者榮。怠廢者悴。若歷久不息。念熟觀成。形消神謝。決生其中。中有一人。朝服而坐。寶冠瓔珞。莊嚴其身。夫人問曰。何人也。婢曰。楊傑也。又一人朝服而坐。其華頗悴。夫人又問何人。曰。馬圩也。時傑已化去。而圩尚存。兩人俱修淨土。而傑行解具足。悲智雙圓。尤弗可及矣。夫人曰。我當生何處。婢導之行可數里。望見一華臺。金碧晃耀。光明洞然。婢曰。此夫人生處。乃金臺上品上生也。既覺。悲喜交至。其年遇生日起晨。秉爐爇香。望觀音閣而立。諸眷屬方趨前為壽。眇之則已化去矣。宣和中直閣黃策傳其事。為越國夫人往生記(樂邦文類)。」(X88,p.404,a14-b10)又《淨土聖賢錄》卷9(X78,p.307,b9-c3)

p.74 line 2【說眾生苦事】《經》：「苦空無常無我」，參考本書 p.61：-2， p.72：6， p.117：8。大師疏云：說四倒四真恒沙等法(p.66：3)。可知西方極樂中，佛亦說此道品；然此處經文有『諸波羅蜜、讚歎諸佛相好』，故《疏》云：覺動菩薩大悲，勸令引他。說地前、地上，或說佛地三身等法。《大智度論》卷 19 云，問：三十七品是聲聞、辟支佛道，何故於菩薩道中說？答：菩薩摩訶薩應學一切善法、一切道。如佛告須菩提：菩薩摩訶薩行般若波羅蜜，悉學一切善法、一切道。何處說三十七品但是聲聞、辟支佛法，非菩薩道？是《般若波羅蜜·摩訶衍品》中，佛說四念處乃至八聖道分是摩訶衍；三藏中亦不說三十七品獨是小乘法。佛以大慈故，說三十七品涅槃道，隨眾生願，隨眾生因緣，各得其道。又，聲聞、辟支佛法中，不說世間即是涅槃。何以故？智慧不深入諸法故。菩薩法中，說世間即是涅槃，智慧深入諸法故。《中論》中亦說：「涅槃不異世間，世間不異涅槃。」菩薩摩訶薩得是實相故，不厭世間，不樂涅槃；三十七品是實智之地。(T25,p.197,b-p.198,a)

p.74 line 3【佛地三身】諸經論有多種，依《大乘義章》所說：(1)法身，清淨真如為體，即是諸法實性。(2)報身，酬報因行功德而顯現無量相好莊嚴之身。(3)應身，順應所化眾生之機性而顯現之身。《經》文：「諸佛相好」，《大乘義章》卷 18：「此三身中皆悉有色。應身色者，現化隨物，或時似天或復似人，如是一切隨其所現，同世色像，是故亦名共世間身。報身色者，於彼應身一一相處，各有無量塵數相好。如華嚴經相海品說。雖具眾相而不可見。...法身色者，如來藏中色性法門顯成佛體，體雖是色而無色相，如似比丘無作戒法，亦如陰陽五行等法，雖無色相而是色性；諸佛證得成就法界，諸根相好即法身故。」(T44,p.815,b4-14)